



Nacrt!

DOZVOLA ZA RAD (LICENCA)
ZA SKLADIŠTENJE NAFTNIH DERIVATA OSIM LPG-a

NAZIV IMAOCA DOZVOLE:

BROVIS D.D. VISOKO

SJEDIŠTE IMAOCA DOZVOLE:

Dobrinje bb, 71300 Visoko

IDENTIFIKACIONI BROJ IMAOCA DOZVOLE: **4218211010002**

REGISTARSKI BROJ DOZVOLE ZA RAD (LICENCE) : **UP1-06-13-1-60-1/23**

PERIOD VAŽENJA DOZVOLE ZA RAD (LICENCE): _____ . – _____ .

DATUM: _____ . godine

Mile Srdanović
v.d. predsjednika FERK-a

Jasmin Bešo
v.d. člana FERK-a

Sanela Pokrajčić
v.d. člana FERK-a

USLOVI DOZVOLE ZA RAD (LICENCE)

1. OPŠTE ODREDBE

- 1.1. Regulatorna komisija za energiju u Federaciji Bosne i Hercegovine - FERK izdaje Dozvolu za rad (licencu) za skladištenje naftnih derivata osim LPG-a podnosiocu zahtjeva BROVIS D.D. VISOKO (u daljem tekstu: imalac dozvole), u skladu sa Pravilnikom o izdavanju dozvola za rad (licenci) za obavljanje energetske djelatnosti iz sektora naftne privrede („Službene novine Federacije BiH“ broj 15/16, 82/21 i 1/23), a na osnovu Zahtjeva za obnovu dozvole za rad (licence) za skladištenje naftnih derivata osim LPG-a podnesenog 30.09.2022. godine.
- 1.2. Sjedište imaoца dozvole: Dobrinje bb, 71300 Visoko
Telefon: 032 749 206, Faks: 032 749 206
- 1.3. Lice ovlašteno za zastupanje je direktor.
Telefon: 032 749 206, Faks: 032 749 206
- 1.4. Elektronska adresa: Pravnasluzba.brovis@akovagroup.com
- 1.5. BROVIS D.D. VISOKO je dobilo 28.03.2018. godine Dozvolu za rad (licencu) za skladištenje naftnih derivata osim LPG-a, broj 06-03-1051/85/17, koja je važila do 27.03.2023. godine.
- 1.6. Dozvola za rad (licenca) izdaje se na period od pet godina tj. od _____. godine do _____. godine.

2. DEFINICIJE

Riječi i izrazi u ovoj dozvoli za rad (licenci) imaju značenje koje im je dato Zakonom o naftnim derivatima u Federaciji Bosne i Hercegovine („Službene novine Federacije BiH“ broj 52/14), kao i pravilima i propisima FERK-a.

3. OBAVLJANJE LICENCIRANE DJELATNOSTI

- 3.1. Imalac dozvole ovlašten je obavljati skladištenje naftnih derivata osim LPG-a, na propisan način na teritoriji Federacije Bosne i Hercegovine.
- 3.2. Imalac dozvole skladištenje naftnih derivata osim LPG-a obavlja u skladištima tehničko-tehnoloških karakteristika, navedenih u prilogu ove dozvole.
- 3.3. Imalac dozvole je obavezan početi sa obavljanjem djelatnosti skladištenja naftnih derivata osim LPG-a tokom perioda važenja ove dozvole za rad (licence).

4. OBAVEZE IMAOCA DOZVOLE

4.1. Zakoni, propisi i tehnički standardi

- 4.1.1. Imalac dozvole obavezan je pridržavati se svih važećih zakona, podzakonskih akata, tehničkih propisa, pravilnika i standarda, te pravila i propisa FERK-a, kao i uslova ove dozvole za rad (licence).

4.2. Kvalitet i bezbjednost skladištenja

- 4.2.1. Imalac dozvole obavezan je obezbijediti bezbjedno, pouzdano i kvalitetno skladištenje naftnih derivata osim LPG-a, u skladu sa važećim zakonskim i podzakonskim aktima, odnosno ugovorenim obavezama.

- 4.2.2. Imalac dozvole obavezan je poštovati standarde kvaliteta definisane važećim pravilima i propisima na teritoriji Federacije BiH.
- 4.2.3. Imalac dozvole obavezan je poštovati ugovorene obaveze u vezi sa obavljanjem licencirane djelatnosti vodeći računa o prvenstvu kupovine naftnih derivata od obaveznika operativnih zaliha.

4.3. Mjerni i ispitni uređaji

- 4.3.1. Imalac dozvole obavezan je nabavljati, održavati i unapređivati uređaje i opremu neophodnu za obavljanje licencirane djelatnosti, u skladu sa važećim propisima.
- 4.3.2. Imalac dozvole obavezan je ugraditi mjerne uređaje na mjestima pretakanja.

4.4. Bezbjednost i pouzdanost skladišta

- 4.4.1. Imalac dozvole obavezan je obezbijediti takve tehničko-tehnološke karakteristike objekata, postrojenja, uređaja i opreme koje mu omogućavaju kvalitetno obavljanje licencirane djelatnosti.
- 4.4.2. Imalac dozvole ima obavezu nabavke, održavanja i unapređenja objekata, uređaja i opreme neophodne za obavljanje licencirane djelatnosti, u skladu sa važećim propisima.
- 4.4.3. Imalac dozvole obavezan je obezbijediti periodične preglede objekata i postrojenja u cilju procjene njihove bezbjednosti, pouzdanosti i efikasnosti.

4.5. Tržišna pravila

- 4.5.1. Imalac dozvole ima obavezu poštovati pravila propisana za tržište naftnih derivata.
- 4.5.2. Imalac dozvole obavezan je regulisati svoje odnose sa drugim učesnicima na tržištu naftnih derivata u skladu sa propisanim pravilima tržišta.

4.6. Zaštita okoline

- 4.6.1. Imalac dozvole obavezan je posebnu pažnju posvetiti zaštiti okoline i obezbjeđenju trajne kontrole uticaja na okolinu poštivajući uslove iz okolinske dozvole kao i odredbe drugih zakona i propisa iz oblasti zaštite okoline.
- 4.6.2. Imalac dozvole obavezan je provoditi i neprekidno nadgledati usvojene tehničko-tehnološke i bezbjednosne mjere, mjere zaštite okoline i druge mjere, u skladu sa propisima iz ove oblasti.

4.7. Izvještavanje

- 4.7.1. Imalac dozvole obavezan je FERK-u dostaviti izvještaje u skladu sa FERK-ovim pravilima i propisima o izvještavanju.
- 4.7.2. Imalac dozvole obavezan je obavijestiti FERK o svim promjenama vezanim za ispunjavanje kriterijuma propisanih Pravilnikom o izdavanju dozvola za rad (licenci) za obavljanje energetske djelatnosti iz sektora naftne privrede.
- 4.7.3. Imalac dozvole obavezan je na polugodišnjem/godišnjem nivou izvještavati FERK o finansijskom poslovanju.

5. FINANSIJSKA STABILNOST IMAOCA DOZVOLE

- 5.1. Imalac dozvole obavezan je obezbijediti finansijska sredstva ili garancije, u dovoljnoj mjeri da obezbijedi obavljanje licencirane djelatnosti.

- 5.2. Imalac dozvole obavezan je održavati finansijsku i tehničku sposobnosti da upravlja rizicima od potencijalnih opasnosti izazvanih oštećenjima na sistemu (upravljanje objektima, instalacijama i opremom) i/ili ukloni sve kvarove/štete i zatvoriti ugrožene objekte/instalacije u skladu sa tehničkim zahtjevima, propisima i načelima zaštite ljudi, objekata, instalacija, opreme i životne sredine.

6. KVALIFIKACIONA STRUKTURA ZAPOSLENIKA IMAOCA DOZVOLE

Imalac dozvole obavezan je zapošljavati stručno osposobljene zaposlenike (stručni ispit za odgovorno lice u skladištu/terminalu naftnih derivata) neophodne za nesmetano, bezbjedno i kvalitetno obavljanje licencirane djelatnosti.

7. NAPUŠTANJE ILI IZMJENA DJELATNOSTI

- 7.1. Imalac dozvole ne može bez prethodnog odobrenja FERK-a napustiti ili izmijeniti licenciranu djelatnost.
- 7.2. Ukoliko u toku obavljanja licencirane djelatnosti nastupe okolnosti zbog kojih imalac dozvole opravdano ne može obavljati energetske djelatnosti skladištenja naftnih derivata osim LPG-a, obavezan je o tome bez odlaganja obavijestiti FERK.

8. NADGLEDANJE

- 8.1. U okviru svojih nadležnosti FERK vrši nadgledanje ispunjavanja uslova iz ove dozvole za rad (licence).
- 8.2. U cilju nadgledanja ispunjavanja uslova iz ove dozvole za rad (licence), imalac dozvole je obavezan dostavljati podatke u skladu sa tačkom 4.9. i druge dokumente, podatke i informacije na zahtjev FERK-a, koje su FERK-u potrebne u svrhu primjene Zakona o naftnim derivatima u Federaciji Bosne i Hercegovine, da bi FERK-u omogućio izvršavanje njegovih nadležnosti u skladu sa zakonom i pravilima i propisima FERK-a.
- 8.3. Imalac dozvole obavezan je obavijestiti FERK o svakoj povredi uslova dozvole za rad (licence) odmah po nastanku promjena.
- 8.4. Ovlašćeni zaposlenici FERK-a imaju pravo obavljati redovno i vanredno, najavljeno i nenajavljeno, nadgledanje u prostorijama imaoca dozvole i imaju pravo pristupa objektima, opremi i dokumentima, da bi se izvršio uvid u obavljanje licencirane djelatnosti u skladu sa uslovima ove dozvole za rad (licence).
- 8.5. Imalac dozvole obavezan je saradivati sa FERK-om tokom pripreme i prilikom obavljanja nadgledanja.

9. IZMJENA I DOPUNA, OBNOVA I ODUZIMANJE DOZVOLE

- 9.1. Imalac dozvole obavezan je, najkasnije 120 dana prije isteka perioda važenja ove dozvole za rad (licence), podnijeti zahtjev za izdavanje/obnovu dozvole za rad (licence) za skladištenje naftnih derivata osim LPG-a.
- 9.2. Tokom perioda važenja dozvole za rad (licence), na zahtjev imaoca dozvole ili na inicijativu FERK-a moguće je pokrenuti postupak izmjene i dopune ili oduzimanja dozvole za rad (licence) u skladu sa odredbama Pravilnika o izdavanju dozvola za rad (licenci) za obavljanje energetskih djelatnosti iz sektora naftne privrede.

10. SANKCIJE

Ukoliko FERK zaključi da imalac dozvole nije ispoštovao ili krši uslove dozvole za rad (licence), preuzima sljedeće aktivnosti:

- a) opominje imaoца dozvole o evidentiranim nepravilnostima i određuje rokove za otklanjanje nedostataka,
- b) pokreće postupak privremenog oduzimanja dozvole za rad (licence),
- c) pokreće postupak trajnog oduzimanja dozvole za rad (licence).

11. KOMUNIKACIJA

- 11.1. Službena komunikacija između imaoца dozvole i FERK-a obavlja se u pisanoj ili elektronskoj formi, odnosno putem faksa uz odgovarajuću primjenu odredbi Pravilnika o izdavanju dozvola (licenci) za obavljanje energetskih djelatnosti iz sektora naftne privrede i drugih pravila i propisa FERK-a.
- 11.2. Imalac dozvole obavezan je obavještavati FERK o svim značajnim izmjenama u pravnom okviru, sudskim odlukama i dešavanjima koji imaju uticaja na licenciranu djelatnost.

12. TAJNOST PODATAKA

- 12.1. Imalac dozvole obavezan je, blagovremeno, podnijeti zahtjev za zaštitu povjerljive informacije, za informaciju koju smatra povjerljivom, u skladu sa Pravilnikom o javnim raspravama i rješavanju zahtjeva, sporova i žalbi i Pravilnikom o zaštiti povjerljivih informacija.
- 12.2. Imalac dozvole obavezan je obezbijediti tajnost podataka koji su označeni kao povjerljivi od subjekta koji ih je dostavio, kao i drugih podataka, čija je obaveza čuvanja utvrđena posebnim propisima, a do kojih imalac dozvole dođe prilikom obavljanja licencirane djelatnosti.

13. REGULATORNA NAKNADA

Imalac dozvole obavezan je plaćati regulatornu naknadu u periodu važenja ove dozvole u iznosu koji utvrdi FERK.

PRILOG 1.**Osnovni podaci o skladištima imaoaca dozvole BROVIS D.D. VISOKO**

Redni broj	Lokacija skladišta	Kapacitet skladišta (m³)	Vrsta naftne derivata koji se skladišti
1	Dobrinje bb Visoko R-1	30	Dizel goriva